

百名家詞鈔

名家詞鈔目錄

廬陵 聶先 晉人

纂定

長水 曾王孫 道扶

彈指詞

梁谿 顧貞觀 梁汾

浣溪沙 二調

清平樂 二調

南歌子 二調

菩薩蠻 二調

浪淘沙 二調

感恩多

河瀆神

歸國遙

朝中措

虞美人影

風馬兒

如夢令

訴衷情

採桑子

二調

山花子

虞美人

四調

南鄉子

二調

定風波

臨江仙

青玉案

驀山溪

柳初新

一叢花

翦湘雲

殢人嬌

師師令

真珠簾

木蘭花慢

雙雙燕

燭影搖紅

臺城路

萬年歡

風流子

百字令 二調

賀新郎 四調

洞庭春色

沁園春

摸魚兒

彈指詞

梁谿

顧貞觀

梁汾

浣溪沙

不是圖中是夢中。非花非霧隔簾櫳。窄衫低髻鎮相
同。清脆鈴聲簷鴿夜。悠揚燈影紙鸞風。此時携手
月朦朧。

前調 梅花

物外幽情世外姿。凍雲深護最高枝。小樓風月獨醒
時。一片冷香惟有夢。十分清瘦更無詩。待他移影

說相思。

清平樂

盧龍罷獵作

烟光上了。天淡孤鴻小。一派角聲聽漸杳。吹冷西風。
殘照。誰家曙色高樓夜。烏啼向城頭。寫入屏山幾
曲。鄉心歷亂邊愁。

前調

短衣孤劔。貰酒青旗店。一曲杜陵春灑瀲。醉洗玉船
紅釀。早鶯送客誰家。依微月射銀沙。馬上續成殘
夢。墻頭笑擲桃花。

南歌子

乍接分釵燕。偷邀對鏡鸞。袖香餘煖共闌干。可惜被池紅淚。鎮長寒。玉軫多時約。金泥一餉歡。桂華濃露好誰看。今夜清輝。還似憶長安。

前調

古鏡餘香濕。春綃積淚痕。相思已是不能閒。况復看人憔悴。損朱顏。醉淺愁仍結。寒深夢却還。輕烟一碧映雙鬟。昨夜家書。應過小姑山。

菩薩蠻

山城半夜催金柝。酒醒孤館燈花落。牕白一聲鷄。枕函聞馬嘶。門前烏柏樹。霜月迷行處。還憶獨眠人。曉寒驚夢頻。

前調

頗黎枕滑春雲卸。殘缸猶自明蘭炷。好夢覺來疑。歸時說與伊。微霜吹玉貌。何處停征棹。相隔只吳關。曲屏無限山。

浪淘沙

錦字佩囊盛。密意分明。任卿卿我我卿卿。只向人前

須諱道素昧平生。消受得傾城薄福微名。判將憔悴答娉婷。不是相思空負却一世才情。

前調

擁髻燭花偏特地。遷延鏤金雙枕。只空圓昨夜新霜。鴛瓦濕寒到君邊。片鐵掛簷前。消受無眠。一聲容易破秋烟。央及潯陽江上雁。莫近離船。

感恩多

卸頭燈影背。冷落鴛衾待待他。孤夢成。月三更。特他篆烟親炷。禮雙星。禮雙星。莫遺秋河一番風浪生。

河濱神

密○約○水○神○祠○辨○香○心○事○誰○知○繡○幃○同○上○小○名○兒○一○雙○
親○系○千○支○蕭○蕭○暮○雨○芙○蓉○黑○越○江○猶○認○行○跡○潮○沒○
蘇○碑○三○尺○怨○魂○應○始○消○得○

歸國遙

舒○玉○腕○鬪○草○昨○羸○纏○臂○換○明○日○前○裙○誰○伴○問○他○伴○不○
管○幾○委○纜○閒○羅○扇○莫○教○趙○字○滿○空○却○回○文○一○半○有○
人○親○落○款○

朝中措

蘅蕪夢冷。惜分襟。橘渚餉愁深。斷雁西風。當日曉鶯
殘月而今。臨卽久客。茂陵多病。特地關心。天與一
般憔悴。不成兩處銷沉。

虞美人影

消得幾行清淚。雨一片冷雲飛去。且共離魂語。留他
伴過沈烟縷。倚徧回闌都不是。不是夢兒行處。早
竟春難住。斷腸花落相思樹。

風馬兒

遶闌幽澗乍泠泠。又雨一聲聲。漏一聲聲。兩處閒眠。

那夜不同聽更更。病眸纔展。訝青青是燈。一星星。螢一星星。偏到薄幃。單枕最分明。生生。

如夢令

寶鴨乍辭衾。鳳喚起。膽瓶花凍。懊惱十年情。不抵五更霜重。如夢如夢。落月香花誰送。

訴衷情

已是夜深羅薦展。約停箏。催解珮。休負月華明。輒語莫縱橫。輕輕似聞嬌鶯聲。可憐生。

採桑子

分明沒麗開時候。琴靜東廂。天樣紅牆。只隔花枝不
隔香。檀痕依約雙心字。睡損鴛鴦。孤負新涼。淡月
踈櫺夢一場。

前調 示道侶

玉爐火候溫溫也。煉就飛霞。結就丹砂。一夜華池靜
月華。春深景物還多麗。映雪黃芽。竝蒂金花。持過
南園姹女家。

山花子 華藏寺杏花

祗樹園空鎖寂寥。粉香如夢一春飄。七十二峯螺黛

色上花梢。凍合寒山留絳雪。行來暮雨帶紅潮。綺
語破除逢灼灼。淚盈綃。

虞美人 佛手柑

額黃染甲宮鴉。綴書法誇筋瘦。憑將背癢試麻姑。且
結蓮臺真印。禮南無。色香兼味都超絕。彈指霏輕
雪。玉纖頻屈數將歸。按透斷紋如齧。十三徽。

前調 佛手柑和嚴蓀友

頻伽琢處憐香透。鳥爪寒逾瘦。麻姑應悔學仙非。黃
檗當年一掌至今疑。鬱金雙縹誰輕澆。彈指蓮花

座○料○無○閑○恨○屈○春○織○一○任○綠○橙○深○夜○點○吳○鹽○

前調

盤○鱗○約○指○雙○花○隱○翡○翠○研○宮○粉○贈○來○條○脫○感○真○妃○莫○
是○興○寧○六○月○語○楊○義○金○瓠○忽○似○金○甌○缺○手○浣○初○弦○
月○倦○游○踪○跡○幾○更○名○好○向○玉○環○織○印○記○他○生○

前調

大○家○結○束○莊○嚴○相○換○却○慵○來○樣○水○晶○簾○下○半○閒○時○正○
好○炷○香○分○較○晚○唐○詩○明○犀○小○合○檀○奴○字○欲○語○驚○人○
至○寄○聲○青○雀○可○曾○來○明○日○日○斜○雙○漿○送○春○回○

南鄉子

搗衣和成容若

嘹○唳○夜○鴻○驚○葉○滿○階○除○欲○二○更○一○派○西○風○吹○不○斷○秋○
聲○中○有○深○閨○萬○里○情○廊○上○月○華○清○廊○下○霜○花○結○漸○
成○今○夜○成○樓○歸○夢○裏○分○明○人○在○迴○廊○曲○處○迎○

前調

隻影妬雙棲。落盡梁間燕子泥。待到東南新月上。烟
低無奈。疏窓只向西。珍重語柔荑。能得樓頭幾度
携。曾是別來相望處。淒迷草暗天涯。柳暗堤

定風波

只覺微詞分外尖。計疎容易惹猜嫌。蟾子故懸絲網。
待無奈。落花飛絮一時粘。冷處越須防妬恨。重見
那回風格定矜嚴。正是肯人成獨語。爾汝又誰偷覷。
水晶簾。

臨江僊 四月八日

開遍草花庭樹暗。傳經時候清佳。髻香單插密犀釵。
法雲低映一束縷金縞。亭午諸天花雨散。相携刻
襪開塔。傍簾誰掛小叅牌。碧霞旛底添對合懽。喚

青玉案

天○然○一○幅○荆○關○畫○誰○打○稿○斜○陽○下○歷○歷○水○殘○山○剩○也○
亂○鴉○千○點○落○鴻○孤○咽○中○有○漁○樵○話○登○臨○我○亦○悲○秋○
者○向○蔓○草○平○原○淚○盈○把○自○古○有○情○終○不○化○青○娥○塚○上○
東○風○野○火○燒○出○鴛○鴦○瓦○

驀山溪 丁酉秋題秦淮水閣

多○情○長○願○投○老○秦○淮○住○華○髮○縱○歸○來○怕○不○似○少○年○羈○
旅○橫○江○酌○月○才○愧○怨○銷○沉○歌○伴○侶○邀○商○女○一○曲○青○衫○
而○青○溪○祠○宇○沒○箇○迎○神○嫗○官○柳○繫○興○亾○尚○拂○面○六○
朝○烟○縷○無○窮○金○粉○都○逐○去○來○潮○桃○葉○渡○相○思○樹○遺○恨○

今何許。

柳初新 水仙祠下柳

南朝一片傷心雨。總被垂垂留住。水村山郭。紅橋倚
徧。極目亂飄金縷。能有春情幾許。怕重來。撲天飛絮。
當日別離無據。知他可憶長亭語。零鈴唱罷。酒醒
殘月。只在踏青歸處。添得倚風凝竚。念天涯有人羈
旅。

一叢花 並蒂蓮

一篙輕。衆香浮。艷淡於秋。雙成本是無雙伴。漢

阜珮知倩誰收浴罷孤鴛背花飛去花外却回頭
合懽消息並蓮舟生未識離愁相憐相妬渾多事料
團扇不耐涼颺金粉飄殘野塘清露各自悔風流

翦湘雲 秋海棠

瘦却勝烟嬌偏宜雨傍窺宋玉牆陰目斷初遇別是
幽情脂粉外那得紅絲輕許繫天涯歸夢綠羅裙添
兩眉愁聚誰念補屋牽蘿賣珠回去正袖薄天寒
風韻淒楚小蹙凌波鉛淚滴翦破湘雲一縷向西窓
密約美人蕉和影兒私語

婦人嬌

帳掩梅花。一炷水沉烟小。宛轉薄衾香不了。影單人
怯。信離魂顛倒。纔病起。禁得夜深清覺。簷馬回風。
城烏向曉。明日事。又縈懷抱。輸他痛飲。把餘寒生。劫
擽醉也。能抵獨眠多少。

師師令 題裙

看○單○成○複○蘸○破○春○烟○綠○稱○心○顏○色○稱○身○裁○訝○顧○影○空
濛○似○浴○淺○暈○石○榴○紅○一○簇○更○幾○株○霜○菊○五○銖○衣○冷
湘○波○蹙○掩○映○屏○山○幅○縷○金○親○施○佛○前○旛○曾○繫○取○前○身

金粟素帶斜飄寒水玉耐楚腰拘束

真珠簾

櫻桃宴罷人歸後。正烟籠淡月。疏窓如畫。紅藥闌邊。當日親携素手。睡起微聞花嘆息。似記得。星星密咒。依舊對漂香泊粉。幾枝春瘦。不久心期輕負。爲深憐痛惜。越添僂。一載綺羅情。付昨宵殘酒。誰道酒醒都是恨。只刻地。曉風楊柳。知否。古今來一例。斷腸回首。

木蘭花慢

過馬湘蘭故居

數鳴珂舊曲。誰第一壇歡場。有燕骨千金。楚魂九畹。
姓字餘香。秦淮尚流膩粉。奈溫柔改署。白雲。劍碎玉。
一聲何處。迢迢銀漢紅墻。散花曾許嫁王昌。半偈
衲衣償。聽長板橋頭。魚山清唄。別是清涼。鄰菴漫題
孔雀。羨當年三十六鴛鴦。對此莊嚴妙相。從他惱亂
柔腸。

雙雙燕

用史邦卿韻

單衣小立。正秋雨。槐花鬢絲吹冷。屏山幾曲。猶憶畫
眉人竝。殘葉暗飄金井。問燕子歸期未定。傷心社日

辭巢不是隔年雙影。碧甃生憐苔潤。伴欲折垂條。
越加輕俊。爲他縈繫。絮語一簾烟暝。容易雕梁占穩。
待二十四番風信。重來與取疎狂。半刻玉肩偷凭。

燭影搖紅

負却韶光。十年眼冷花叢裏。玉笙吹徹。夢驚回著處。
東風矣。猶是當時春意。漸病酒懷人。天氣樊川憔悴。
半榻茶烟。鬢絲吹起。殘雪無多。莫教容易成流水。
瓊瑤留伴。落梅魂共作。水壺寄。再入金堂燕子。應問
我客游何似。君看楊柳。一夜青青樹。猶如此。

臺城路 梳妝臺懷古

卷簾依舊西山雨。憑高暗傷何事。一寸山河。十分佳麗。幾葉蕉園刺史。分明故址。有瑤島璫花。未隨流水。惆悵重尋。斷眉金縷。廣寒字。當年夢游曾至。妝成誇第一。畢竟誰是三閣傳箋。六宮潤筆。可惜都無才思。茫茫對此。只銀漢紅墻。望中相似。甚處天香。夜深飄桂子。

萬年歡 人日立春用史邦卿韻

小綬春旂。玉搔頭觸簾散。點輕雪。靜夜蘭叢。幾箭凌

寒催發。俊燕嬌鶯未覺。梅影瘦。房櫳清絕。湘屏掩。整斜斜一般冷淡香骨。蕭郎倦游未歇。正燒燈時候。惆悵輕別。打疊離情暫寄。故園風物。挑菜幽期近也。試換取練裙文襪。臨妝鏡。拂了蛾兒。月中驚見新月。

風流子

假歸偶述

十年纔一覺。東華夢依舊。五雲高。憶雉尾春移。催吟芍藥。螭頭晚。直待賜櫻桃。龍頭近。帳前分玉靶。鞍側委珠袍。罷獵歸來遠。山當鏡。承恩捧出。疊雪揮毫。

宋家堦東畔。窺閑麗。枉自暮暮朝朝。端爲浮雲一賦。薄福都消。况愛閑多病。鄉心易逐。阻風中酒。浪跡難招。判共美人香草。零落江皋。

百字令

冷清清地。更懽場也。只不情不緒。况是鬢絲禪榻。畔禁得幾番秋雨。蘭爇微沉。桃笙半疊。瘦盡爐烟縷。香深醉淺。此愁何減。羈旅。不過絮斷柔腸。亂蛩在却費許多言語。二十五聲清漏水。滴滴碎人心處。翠濕雲鬟。涼侵雪腕。莫更催機杼。知他睡否。慢憐別夢無。

據

前調 宿針魚嘴

幾行歸雁共征帆。落向暮烟叢裏。野戍潮寒清角動。
簇簇蒹葭深艤。酒旆微青。漁燈乍黑。未散沙洲市。當
爐一笑滿頭黃菊。旖旎。又是薄醉殘更。蓬窓悶掩。
轉淒迷鄉思。誰與孤眠欹枕說。妾夢不離江水。慈母
山高望夫磯。冷相對針魚嘴。斷魂今夜風鬟雨鬢千
里。

賀新郎 雨花臺晚眺

此恨君知否。問何年香消南國。美人黃土。結綺新妝。
看未竟。莫報諸軍飛渡。待領畧。傾城一顧。若使金甌。
常怕缺。縱繁華千載。成虛負。瓊樹曲。倩誰譜。重來
庾信哀難訴。是耶非。寶釵桃葉。舊銷魂路。如此江山。
剛換得才子。幾篇詞賦。弔不盡。人間今古。試上雨花
臺上望。但寒烟衰草。秋無數。聽嘹唳。雁行度。

前調 生日自壽

馬齒加長矣。向天公投箋試問。生余何意。不信嬾殘
煨芋後。富貴如斯而已。惶愧煞男兒墮地。三十成名

身已老。况悠悠。此日還如寄。驚伏櫪。壯心起。直須
姑妄言之耳。會遭逢。致君事了。拂衣歸里。手散黃金
歌舞就。購盡異書名士。累公等。他年謚議。班。范。文章。
虞褚筆。爲微臣。奉勅書碑記。千載下有生氣。

前調

再寄吳漢槎寧古塔以詞代書

季子平安否。便歸來。生平萬事。那堪回首。行路悠悠
誰慰藉。母老家貧子幼。記不起。從前杯酒。魑魅搏人
應見慣。料輸他。覆雨翻雲手。冰與雪。周旋久。淚痕
莫滴牛衣透。數天涯。依然骨肉。幾家能勾。比似紅顏

多薄命。更不如今。還有只絕寒苦寒難受。廿載包胥
承一諾。盼烏頭馬角。終相救。置此札。君懷袖。

前調

我亦飄零久。十年來深恩負盡。死生師友。宿昔齊名
非忝竊。試看杜陵消瘦。曾不減。夜郎倜傥。薄命長辭
知已別。問人生到此。淒涼否。千萬恨。爲兄剖。兄生
辛未。我丁丑。共些時。冰霜摧折。早衰蒲柳。詞賦從今
須少作。留取心魂相守。但願得。河清人壽。歸日急翻
行戍稿。把空名。料理傳身後。言不盡。觀頓首。

洞庭春色

粉堞烏啼。紅橋雁齒。昔日亭臺。記墮釵聲裏。頻呼小
玉。鈎簾影畔。手摘青梅。感絕多情。雙燕語道。三歲栖
香人未回。心期在。怕尋春較晚。著意相催。無端綠
陰盡也。都不待杜牧重來。只淒涼繡榻。茶烟空颺。糝
糊鏡檻。蠟淚成堆。一種幽情。春草句看。夢覺池塘。石
劫灰難忘處。向西南枝下手繫斑騅。

沁園春

殘月幽輝。宿昔見之。豈其夢耶。任寒堆一枕。鈿珠零

落塵縈半榻。爭柱欹斜。妾命如斯。郎行何許。裙扇留
題滿。狹邪鱗鴻便。莫棲香正穩。忘了天涯。也應游
倦。思家算不抵。孤眠人嘆嗟。鎮未收懽抱。慵偎煖鴨
斷無消息。悶數歸鴉。雪壓霜欺。別來真個瘦盡。中庭
萼綠華。誰傳語。道春風多勸。強飯爲佳。

摸魚兒

幾多情倩誰傳語。夜闌偷剪紅藥。短檠孤影。愁無寐。
教伴綺窓斟酌。花睡著。護一點檀心。不受東風詭明。
朝梳掠。還試倩芳姿鏡中相傍。慵整古釵腳。瓊肌

削較比花枝更弱。歡期催問靈鵲。莫訝輭綃承露重。
淚裏當年灼灼。生誤却。怎不及他家茅屋空山約。綠
蓑青箬待艷粉。輕潮幽香別渚。此意儘商畧。

曹秋嶽

涪

曰彈指早負盛名而神姿清澈儼如瓊

林琪對故其填詞纏綿悽惋悅聽坡公柳綿句
那得不使朝雲聲咽又曰讀彈指詞有凌雲駕
虹之勢無鏤冰剪綵之痕具此手筆方可言香
艷之妙。

聶晉人

先

曰先生理學傳家早置身於薇香禁苑

海內鉅儒爭相訂交吾友吳漢槎極稱其詩文
妙天下今讀其彈指詞則其考聲選調吐華振
響浸浸乎薄辛蘇而駕周秦矣但未知以何因

緣遊華嚴性海。於彈指頃。直登樓閣。其中梵音
清雅。令人悅聞。又當何如耶。

名家詞鈔目錄

廬陵 璠 先 晉人

纂定

長水 曾王孫 道扶

玉山詞

錢塘 陸次雲 雲士

滿江紅 四調

賀新郎 二調

摘得新 荷葉杯

憶王孫 如夢令 二調

長相思 相見懽 二調

醉太平

浣溪紗

醜奴兒令

憶秦娥

清平樂

二調

攤破浣溪紗

鵲橋仙

南鄉子

惜分飛

臨江仙

蝶戀花

一剪梅

蘇幕遮

醉春風

酷相思

最高樓

瓜茉莉

江城梅花引

水調歌頭

念奴嬌

齊天樂

宴清都

水龍吟

二調

喜遷鶯

二調

風流子

沁園春

四調

摸魚兒

玉山詞

錢塘 陸次雲 雲士

滿江紅

題方正學先生祠堂

燕子飛來。怎爲草詔書一紙。衣襟經抗聲殿陛。亂臣
賊子十族何妨。凝碧血。千秋不肯污青史。抄瓜蔓怨
氣滿金川。忠良鬼。十七葉。今休矣。公令譽。何時已。
沛浩然一往。上騎箕尾。竟作星辰懸碧漢。不同日月
隨流水。看先生生氣至今存。何曾死。

前調

題于忠肅先生祠堂

社稷君王當此際。能權輕重。憑勅敵萬端。要挾豈爲
愚弄。土木雖然成北狩。乾坤不使爲南宋。置乘輿。翻
得返乘輿。公之用。曹與石。成冤訟。莫須有。堪悲痛。
致奉天。火烈神威驚衆。萬乘前頭。雷電掣。五雲高處。
旌旗動。奪門人旋復。受誅夷。歸清夢。

前調

題楊椒山先生祠堂

不畏批鱗。請劔把佞臣頭斬。遭大杖。蝻蛇何用。椒山
有膽。問舍豺狼心不可。鬪尋霹靂人誰敢。順風吹柳
鎖滿城。香光生臉。巖巖石。輕搖撼。履虎尾。寧辭險。

看東樓西市。終將夫感廟。範鬚眉。霜露肅。氣還天地。
風雲慘。未了事。自許補忠魂。曾何歎。

前調 勸農

父老前來相勸爾。一杯村酒。幾句話。向君陳說。君能
聽否。春雨春風。方沛澤。老農老圃。須爲耦。杏花梢布
穀也。催人耕南畝。鄉井內。須相友。訟庭下。休來走。
免追呼。早完租賦。安閒林藪。水旱聽蛙。勤蓄洩。豐凶
積穀。通無有。樂田家。我竟不如伊。無官守。

賀新郎 澄江種竹

不可居無竹。植琅玕。蕭蕭數本。翳花映木。十丈軟紅。
朝暮裏。藉爾少。澆塵俗。儘瘦去。不須有肉。我對此君。
如得友。諒此君亦識。余心曲。遂裊裊。依牕綠。偶然
傳舍琴書屋。豈家山就荒。三徑衡門。磐谷五柳。一朝
歸去也。別自撫松采菊。似不必種斯青玉。我把清風
貽後日。望後來亦把清風續。君子德。暗相勗。

前調

海市

海市凌虛起。忽平開千門萬戶。景遷形徙。城郭浮圖。
高百雉。閃淡烟蒼霧。紫任風勢。乍成乍毀。舞鶴驟鸞還。

走馬散天花。天女驅山鬼。一雨後。都休矣。此時堪
愕。還堪喜。對茫茫。沉沉思。俯首難窮物理。聞道秦宮和
漢闕。興廢俱同逝。水更說甚。臨春結綺。莫道層樓皆
幻境。與人間真境。差無幾。同一瞬。晨光裏。

摘得新

宮詞

照淙池。徘徊空自思。與人同一捻。柳腰肢。不似昭陽
清艷處。那些兒。

荷葉杯

閨意

折得一枝在手。楊柳時節。近清明。好邀女伴踏莎行。

晴麼晴。晴麼晴。

憶王孫 春閨

曉鶯新燕語青陽。芳氣氤氳透綠牕。忽聽清音嚙畫
廊。雪衣娘。報道花開滿院香。

如夢令 春閨

昨夜東風裊裊。吹入謝家池沼。曉起倚迴欄。脉脉王
孫信杳。芳草芳草。又見燒痕青了。

前調 其二

一派隋堤芳樹。搖曳引人春思。凝睇上朱樓。歎息韶

光易逝。柳絮柳絮。又被晚風吹去。

長相思

西湖雜咏

蘇公堤。白公堤。蘇白堤邊漾酒旗。當罍擁翠睂。鶯已飛。燕已飛。土鮒魚兒春正肥。松醪醉竹籬。

相見懽遊絲

晴空吹落遊絲意。遲遲細似篆烟一縷。弄柔姿。如欲去。還絆住。在花枝。正是冶情搖漾暮春時。

前調

曉意

清暉微映疎牕。理新粧。斜握綠雲一縷。裊幽香。明

鏡裏看不厭。遠山長。却笑他家。必待畫張郎。

醉太平

冶遊

花香葉香。蜂忙蝶忙。春風油壁成行。遇青聰綠楊。
蕭娘秦娘。劉郎阮郎。伯勞燕子飛颺。枉相逢斷腸。

浣溪紗

集字

花發棠梨徧野香。客懷誰要聽鶯黃。枝頭偏自語雙
雙。昨日尚看榆莢小。今朝愈覺柳絲長。艷陽時節
在他鄉。

醜奴兒令

閨情

恨君不似梁間燕。樓則雙棲。樓則雙棲。一箇相偎一箇依。恨君恰似梁間燕。飛則分飛。飛則分飛。一箇投東。一箇西。

憶秦娥

呂仙祠

邯鄲道。今朝又復騎驢到。騎驢到。呂仙祠下。西風殘照。蠅頭蝸角終身鬧。往來應受盧生笑。盧生笑。蘧蝴蝶。何時方覺。

清平調

撲蝶

粉香脂冷。翅影拈花影。葉底枝頭斜。復整如識潛潛。

等○等○怪○他○朝○夕○雙○雙○撲○來○一○箇○輕○藏○不○忍○分○誰○好○
對○放○伊○仍○過○東○牆○

前調 聽鶯

春○光○如○此○滿○架○薔○薇○紫○忽○訝○一○枝○垂○不○起○立○了○金○衣○
公○子○嬌○音○百○轉○春○風○聲○聲○出○自○花○叢○遙○指○雙○鬟○莫○
至○怕○他○驚○去○無○踪○

攤破浣溪紗 閨情

池○館○春○深○柳○帶○長○風○搖○蘸○水○皺○清○光○忽○聽○雪○衣○籠○內○
說○畫○初○長○新○筍○成○竿○過○舊○竹○低○花○飛○片○出○高○牆○此○

際那堪人獨自看鴛鴦。

鵲橋仙 春暮

桃花亂落梨花亂落。相間着楊花亂落。紛紛花片逐東流。怕看見懶登高閣。鶯兒寂寞。燕兒寂寞。更兼着蝶兒寂寞。樹頭樹底覓殘紅。同怪道東風輕薄。

南鄉子 閨意

憔悴度春宵。夢轉梨雲喚伯勞。半啟碧紗窺小院。芭蕉風動。牕前綠漸高。芳信遠迢迢。花落閒庭愈寂寥。眼看艷陽將去了。櫻桃鳥啄枝頭紅漸高。

惜分飛 戲贈

羅衣覆。眉山綠。楚楚芳姿人似玉。眼波明態橫生有。誰似爾。這樣輕盈。鶯鶯。持純扇。游春院。啣將春去。憐雙燕。不勝情。倚雲屏。有誰似彼。這樣娉婷。卿卿。

臨江仙 懷隱

一自桑田成海後。便從柯斧潛踪。芒鞋直上最高峰。跡深青靄裏。歌出白雲中。幾度憶君君自若。終南落葉漫空。好拈古句贈山翁。仙人猶易見。隱士更難逢。

蝶戀花

蜀道

千○萬○峰○巒○千○萬○狀○方○入○雲○中○忽○又○居○雲○上○春○棧○縈○迴○
纏○絕○嶂○寸○人○豆○馬○遙○相○望○落○日○孤○城○光○淡○宿○小○李○
將○軍○難○畫○深○微○况○谿○繞○懸○崖○過○百○丈○猿○猱○度○此○生○惆○
悵○

一剪梅 滄浪

往○日○曾○吟○漁○父○章○愛○誦○滄○浪○頻○誦○滄○浪○此○來○已○泛○泪○
羅○江○舟○到○滄○浪○身○到○滄○浪○何○處○伊○人○水○一○方○足○濯○
滄○浪○纓○濯○滄○浪○靈○均○遺○恨○碧○流○長○今○日○滄○浪○昔○日○滄○

浪

蘇幕遮

玫瑰

賣花聲聲甚美。叫過街頭。驚醒樓頭睡。買向粧臺呼
小婢。道似薔薇。更比薔薇媚。鏡中人。私自擬。妾貌
如花。花貌還如你。紫艷斜簪雲髻墜。撩人別有濃香
味。

醉春風

閨情

粉墜芙蓉柄。香瓣仍嬌倩。拈來作筮。問歸期。聖聖
忪整粧臺。急描螺黛。疾闌花徑。旋把闌干凭。領耳

方清聽。小鬟忽報卦兒靈。應應應。早見郎來。卽言底
事。花神堪敬。

酷相思

別意

門外馬嘶雞罷唱。啟畫閣。春暉亮。揮手無言情悵快。
你顧我雕鞍上。我顧你朱闌上。漸漸雲山迷悵望。
今夜神飄蕩。知兩地。心情同一樣。你夢我梅花帳。我
夢你芙蓉帳。

最高樓

贈隱者

君何似。君一似神仙。棲止在桃源。有時垂釣清溪水。

有○時○策○杖○碧○雲○天○倦○來○纏○無○箇○事○只○安○眠○種○一○林○
引○清○風○的○竹○種○一○籬○傲○濃○霜○的○菊○高○閣○畔○小○橋○邊○吟○
詩○世○外○多○奇○思○烹○茶○山○下○有○流○泉○阻○迷○津○來○不○得○武○
陵○船○

瓜茉莉

本意

浴罷蘭湯。正晚涼時候。問此際花曾開否。雲鬟報道。
盆兒裏濃香初透。持紈扇小立欄前。細數堆瓊積玖。
惜花何忍。折嬌花延佇。久禁不住。纖纖素手。晶瑩
數朶珍重。裹來羅袖。氣如蘭。一似蘭闈玉友。夜靜枕

邊消受

江城梅花引

湘江舟次

片帆容與傍沙汀。早潮生。晚潮生。早晚春潮來去不
曾停。人在木蘭舟裏坐。思別緒。悶悠悠。暗淚零。淚
零淚。零愁轉增。杜鵑鳴。鷓鴣鳴。聽也聽也聽不斷。水
驛山亭。落絮飛花。都做楚江情。更是一番風雨後。殘
夢醒。殘月上。在五更。

水調歌頭

書意

久有買山志。未有買山錢。安得青峽滿橐。肩負向林

泉○中○買○數○椽○草○屋○左○買○千○竿○修○竹○右○買○半○畦○田○下○買○
碧○流○水○上○買○白○雲○天○天○映○水○水○繞○屋○屋○生○烟○烟○籠○
芳○樹○樹○頭○山○菓○熟○籬○前○不○願○金○甌○卜○相○不○羨○推○輪○拜○
將○只○羨○釣○溪○邊○寄○語○靈○臺○使○莫○奏○客○星○懸○

念奴嬌 夜過鸚鵡洲

漁○陽○搥○鼓○奮○激○昂○慷○慨○遂○成○三○弄○四○座○聽○之○心○膽○落○
國○賊○竦○然○不○動○江○夏○推○鋒○漢○濱○奏○賦○鸞○鵲○推○孤○鳳○小○
兒○見○淺○犬○兒○狂○自○情○重○今○日○鸚○鵡○洲○前○盈○洲○荒○草○
有○鬼○無○翁○仲○一○點○神○燈○江○面○起○來○去○不○因○風○送○方○作○

商歌旋興激浪似鑿余悲慟可通英爽相接何假清
夢。

齊天樂

咏虱

賦形瑣瑣織還細略與琵琶相似敗絮爲身垢污爲
足畢竟誰非誰是胡爲若此每摸索襯中勞人素指
癢處難搔幾回捉得旋爲避相鬚游過御覽曾經
蕘苑雖爲佳事如此么麼可憎實甚豈得容伊爾爾
拈來就齒更試問蒼天有如蚤蚤以及蒼蠅要生他
何意

宴清都 螢火

籟寂秋雲靜。趁疎風。幾箇吹來照暝。微光斷續。小
明聚散。玉階金井。有時低度銀河。與水面亂星相映。當
此際。悄爾無言。長信意長門景。前身君本無情。有
情伴我。夜寒更定。書堪借燄。火不溫風。輝輝耿耿。芙
蓉乍流一點恍。似月來花弄影。正清宵。燈燼無眠。湘
簾霜冷。

水龍吟 劉伶墓

劉伶以酒爲生。生平深得其中趣。滔滔天下。衆人皆

醉○獨○醒○堪○懼○。蝮○蠱○螟○蛉○。是○非○風○起○。禪○中○咭○絮○。在○大○人○。
達○識○惟○知○耐○飲○。等○萬○古○如○朝○暮○。不○信○當○時○虛○譽○。便○
埋○君○卽○於○此○處○。中○央○宛○在○。纍○纍○一○塚○。不○封○不○樹○。事○似○
荒○唐○。但○堪○憑○弔○。何○須○有○據○。爲○先○生○。酬○取○松○醪○一○滴○。徘○
徊○難○去○。

前調 觀潮

平○將○海○水○移○來○。須○臾○欲○把○。桑○田○變○。初○生○一○縷○。忽○分○兩○。
派○。遙○翻○正○練○。霽○日○轟○雷○。秋○時○捲○雪○。晴○空○掣○電○。駭○沐○天○。
浴○。地○濕○雲○浸○日○。攪○碧○落○如○龍○戰○。濤○爲○英○雄○奮○怒○流○。

不盡古今積怨。前潮伍相。後潮文種。馳驅隱見。舟子乘危。余心戚甚。安瀾有願。欲選猿臂。漢重開強弩。齊飛萬箭。

喜遷鶯 惠泉

中流誰汲漫說道。此泉名居第二。下宅蛟龍。上掀濤浪。地近金山古寺。雖有玉川逸興。險絕江心難至。過陽羨。向一泓酌取。悠然靜試。佳事喚小童。活火煎來。響叶松風似。香飲非香味。甘無味。澹遠清人詩思。細與素心共賞。豈得謂君。其次人無耳。食論人倫藻。

鑒亦宜如是

前調 觀蹴鞠

平臺如洗似星列。三隅苧衫絢履。互擲羣尖。交馳兩
膝。頂踵放摩未已。忽自背中躍出。又復迴旋衆體。真
矯捷。卽僚丸技巧亦難方擬。落地乍相訝。珠走盤
中。一踢還騰起。高僅踰眉。低恒繞足。變化縱橫旖旎。
炫目直如零亂。中有神明條理。看場圍往來人排擠。
余觀止矣。

風流子 戒粧美人燈

芳姿何窈窕。身材小。粧束一時新。似下令前驅。軍稱
娘子。援桴固守。城號夫人。還疑似。和戎過絕塞。代戍
替嚴親。劔佩芙蓉威。生翠袖。旌移楊柳。擁出紅裙。
英雄施粉黛。丈夫巾幗竟疑爾。難分時。恐臨風欲去。
倩女離魂。愛心地。光明行遊。清夜曾襟空洞。照耀陽
春。白向竿頭進步。一似凌雲。

沁園春

匡廬瀑布

遙望飛泉。雲霧之中。萬仞高懸。訝異光特起。虹蜺冬
見。大聲遠至。風雨晴喧。亂灑明珠。平傾積玉。疑是銀

河落九天。停小棹。戀異觀。不去。彭蠡湖邊。人間變
幻。桑田何此景。長留億萬年。似蓬萊弱水。莫能遊泳。
崑崙敦腦。難測淵源。我欲扶筇。看他來處。直上匡廬。
第一巔。惟愁是度。山中日月。遇着神仙。

前調 白燕

春社同歸。羣燕之中。素質翩翩。訝雙飛。清晝鬱金堂
上。雲飄麗日。朱雀橋邊。翅展水綃尾。分銀剪。來自烏
來。然不然。營香壘。看雌雄置力。玉轉珠旋。差池弱
羽。堪憐。愛影入清池。色愈鮮。每回環。貽水閒鷗。讓潔。

頡頏繞戶。皓鶴輸妍。語亦呢喃。身同綽約。王謝驚看。
異昔年難辨處。在梨花月下。屢舞仙仙。

前調 語影

獨對青燈。把酒無聊。顧影自憐。歎恒河浩瀚。不能作
佛。神山縹緲。難以成仙。自命爲儒。儒應用世。而我爲
儒。竟不然。無舟楫。似臨淵。徒羨莫濟前川。余窮何
足爲言。慨小器無從試小鮮。算酬知何以。數行殘史。
立身何法。幾個名賢。命也如斯。分甘若此。不敢半騷。
漫問天方太息。忽風吹銀蠟。藥墜金烟。

前調 洞庭湖

占候乘時。西指旄旌。放舟入湖。見繩頭細點。孤懸石
嶼。峨嵋纖縷。橫漾沙墟。圓影存天。方輿失地。身在茫
茫。太極圖差。快意看一帆。風正險處安居。波濤潛
伏。龍魚仗忠。信行川何所虞。識馮夷有主君。尊柳毅。
湘娥歛怨。威戢天吳。返照沉紅。浮鷗濺白。入浦萋萋。
徧綠蕪。回首望。早銀蟾東起。雪漲冰壺。

摸魚兒 白蓮

衆花中蓮花最異。亭亭脩莖出水。參紅覆綠盈洲渚。

中有白蓮更美誰可擬。似姑射仙人。竟不緣羅綺。肌膚冰雪冷。艷淡晴暉。悠然獨笑。自把清風倚。還可喜。素質天然旖旎。露華更將粧洗。粉衣月照。渾難辨。惟有清香暗起。波影裏。有三五佳人。玉手拏瓊藥。同評佳卉。此種出塵姿。六郎何物。豈得許相比。

宋旣庭

實穎

曰。雲士以雕雲鏤月之才。寫凝血化

虹之句。若所題三異人祠壁諸作。可謂纏綿惻
怛。一往情深。當不令秦舜友當時濺血空無用。
化作山頭寶石紅之句。獨擅美于前也。至其倚
聲選字。鍊句融篇之妙。則請以三先生之詩還
贈我雲士。如忠愍之野樹含烟。迷寺迴寒山被
雪。倚雲明節。闇之暗香。真入蛟龍窟。絕勝飄零
點翠苔。正學之能探風雅無窮意。始是乾坤絕
妙詞。以形玉山之風標格調。其誰曰不可。

徐袞侯

陳發

曰世之言詞者皆以花間酒底紅牙

翠袖作曼聲而歌者則謂婉變之致盡之矣竊
讀玉山詞深歎先生之風情蘊義所重者節烈
所恤者民隱抑何剴切而篤摯耶回視世之所
尚可謂遠矣然則沒溺于句奇字僻之習者能
無愧讓于先生哉